



Sumáriu Kazu Tribunál Judisiál Primeira Instáncia Suai Jullu 2023

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Judisiál Primeira Instáncia Suai.

1. Totál kazu ne'ebé JSMP monitoriza :22

Artigu	Tipu Kazu	Númeru
Artigu 145 Kódigu Penál (KP), no artigu 2,3, 35 Lei Kontra Violénsia Doméstika (LKVD)	Ofensa ba integridade fizika simples ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika no 36 kona-ba krime sira violénsia doméstika nian hanesan krime publiku)	6
artigu 177 KP no artigu 2, 3, 35 Lei Kontra Violénsia Doméstika (LKVD)	Abuzu seksuál ba menór ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika no 36 kona-ba krime sira violénsia doméstika nian hanesan krime publiku)	1
Artigu 187	Aktu seksuál ho adolexente	1
artigu 177 KP	Abuzu seksuál ba menór	2
Artigu 171 KP	Koasaun seksuál	1
Artigu 145 KP , Artigu 157 KP no Artigu 258 KP no artigu 2, 3, 35 Lei Kontra Violénsia Doméstika	Ofensa ba integridade fizika simples amiasa danu simples ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35	1

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

(LKVD)	kona-ba tipu krime violénsia doméstika no 36	
Artigu 177 KP no Artigu 172	Abuzu seksuál ba menór no violasaun seksuál	1
Artigu 154 KP	Maus- tratus konjúje	1
Artigu 139 KP no artigu 2,3, 35 Lei Kontra Violénsia Doméstika (LKVD)	Omisidiu agravadu	1
Artigu 1757, 1758, 1759, 1762, 1765, 1786, 1782, 1804, 1805 KS	kazu ezersisiu poder paternál	1
Artigu 152 KP	Krime ofensa korporál resíproka	1
Artigu 258 KP Artigu 20 (1), artigu 2 (2 alinea f) Lei Arma Brankas	Danu simples arma brankas	1
Artigu 164 KP no Artigu 157 KP	Ofensa ba integridade fizika grave no amiasa	1
Artigu 145 KP, Artigu 258 KP no Artigu 20 (1), artigu 2 (2 alinea f) Lei Arma Brankas	Ofensa ba integridade fizika simples, danu simples no arma brankas	1
Artigu 316 KP	Kontra bandu	2
Totál		22

2.Totál desizaun ne'ebé JSMP monitoriza:18

Tipu pena	Artigu	Númeru
Suspensaun ba prizaun nia ezekusaun	Artigu 68 KP	5
Pena multa	Artigu 76 KP	4
Omologa dezisténsia keixa	Artigu 262 KPP no Artigu 68 KP	1
Pena prizaun	Artigu 77 KP	1

Suspensaun ba prizaun nia ezekusaun no indeminizasaun sivil	Artigu 68 KP	1
Pena prizaun no indeminizasaun sivil	Artigu 66 KP	1
Omologa	Artigu 262 KPP	3
Absolve		2
Totál		18

3.Total kazu sira ne'ebé adia tuir JSMP nia monitorizasaun:0

4. Totál kazu sira ne'ebé sei kontinua prosesu tuir JSMP nia monitorizasaun : 4 B. Deskrisaun ba sumáriu kazu ba desizaun sira.

1. Kazu sivíl regulasaun poder paternál

Nú. Prosesu : 0035/23.CVTDS
 Kompozisaun Tribunál : Singulár
 Juis : Dr. Eusébio Xavier Victor
 Prokuradór : Dr. Rafael Jeronimo Gusmão
 Defeza : Dr. Domingos dos Santos
 Desizaun : Omologa dezisténsia keixa

Iha 03 Jullu 2023, Tribunál Judisiál Primeira Instansia Suai, prezide tentativa konsiliaun ba kazu regulasaun ezersísiu podér paternál ne'ebé envolve autór Farel Herminio Mendonça Lima hasoru rekeridu/a Octavio Belo no Reniva Mendonça de Lima, iha Munisípiu Bobonaro.

Termu no fundamentu sira

Iha tinan 2022, rekeridu aman nonok sai husi uma la fila ba ninia feen ho oan, rekeridu durante la tau matan ba menór ninia nesesidade loro-loron nian, prokuradór representa menór hatama asaun ne'e hodi kontra rekeridu aman ho rekerida inan, hodi nune'e rekeridu/a atu tau matan ba sira nia oan.

Kazu ne'e relasiona ho ezersísiu podér paternál tuir artigu 1757, 1758(), 1759, 1762, 1765, 1786, 1787 (2), 1789, 1804 no 1805 KS.

Produsaun ba prova sira

Iha tentativa konsiliaun ba regime guarda rekeridu aman konkorda menór hela nafatin ho rekerida inan, regime vizita rekeridu inan no aman konkorda iha kualker momentu rekeridu aman ba vizita nia oan, naran katak antes atu ba vizita ninia oan ne'e fó hatene ba nia inan, regime alimetansaun iha petisaun inisial kada fulan rekerida inan gasta ba

menór nia oan ninia nesesidade kada fulan US\$ 50.00, entretantu ba regime alimentasaun rekeridu aman no inan konkorda kada fulan rekeridu aman fó alimentasaun ba nia oan kada fulan US\$ 25.00 no rekerida inan US\$ 25.00 maibé rekeridu aman tenke kada fulan transfer liu husi rekerida inan nia konta bankaria, ba rekerda inan labele transfer ba rekenin tanba loro-loron uza ba sira nia oan nia nesesidade. Atrevés fulan agustu rekeridu aman transfer ona osan refere liu husi rekerida inan nia konta bankaria.

Alegasaun finál

Prokuradór representa menór no defeza husu ba tribunál atu omologa akordu ne'ebé rekeridu no rekerida konkorda hamutuk atu tau-matan ba menór.

Desizaun

Bazeia ba parte rua nia akordu kona-ba regime guarda, vizita no alimentasaun, nune'e tribunál konklui no omologa akordu refere.

2. Krime Kontra Bandu

Nú.Prosesu	: 0059/22.BBMLV
KompozisaunTribunál	: Koletivu
Juis	: Dra. Patricia de F.B.M. Xaveir. Dr. Naason M.A.M. Doutel, Dr. Samuel da Costa Pacheco
Prokuradór	:Dr. Rafael Jeronimo Gusmão
Defeza	:Dr. Angelmo Pinto
Desizaun	:Pena multa US\$ 45.00

Iha 03 Jullu 2023, Tribunál Judisiál Primeira Instánsia Suai prezide leitura akordaun ba krime kontra bandu ne'ebé envolve arguidu Gilberto dos Santos, Fernando Laco Mau no Nelson Guterres Afonso hasoru estadu RDTL, iha Munisípiu Bobonaro.

Akuzasaun Prokuradór

Prokuradór akuza katak iha 23 Maiu 2022 oras la apura, arguidu Gilberto dos Santos fó hatene ba arguidu Nelson Guterres no arguidu Fernando Laku Mau atu lalin arguidu nia mina hodi ba iha área Raibou-Anan. Katak arguidu Gilberto dos Santos selu arguidu nain rua ho osan US\$ 2.00 kada jerigen ida ho litru 20, no arguidu nain rua kada ema ida tula masa rua iha motorizada no bainhira arguidu nain rua too iha área Lela hetan polisia UPF hapara arguidu nain rua no hetan objetu mina no ne'ebé hatama liu husi dalan ilegal ne'ebé arguidu Julberto dos Santos halo kontratu ho arguidu nain rua Fernando Laku Mau no Nelson Guterres Afonso.

Katak objetivu mina sira ne'e hetan ona validasaun hosi tribunál no deklara ona ba venda antisipa tuir despaxu judisiál no depozita ona osan iha tribunál nia konta bankaria.

Konsekuénsia husi arguidu sira ninia hahalok estadu RDTL hetan prejuiju.

Prokuradór akuza arguidu sira kontra artigu 316 KP kona-ba kontra bandu ho moldura penál tinan 2 too tinan 6 ka multa.

Produsaun ba Prova sira

Iha julgamentu arguidu sira konfesa totalmente katak faktu sira iha akuzasaun, arguidu sira deklara katak foin mak mai hatan iha tribunál, foin mak hatana mina liu husi dalan ilegal, arguidu sira arrpende ninia hahalok no promete sei larepete ninia hahalok iha futuru.

Alegasaun Finál

Prokurador iha nia alegasaun katak, arguidu sira konfesa total ba faktu iha akuzasaun no arguidu sira mós foin mak mai hatan iha tribunál, tanba ne'e husu ba tribunál atu kondena arguidu ho pena mais adekuadu.

Enkuantu defeza haktuir katak, arguidu konfesa faktu hotu, arrepende ninia hahalok no foin mak mai hatan iha tribunál, tanba ne'e husu ba tribunál atu kondena arguidu ho pena ne'ebé mais adekuadu.

Desizaun

Depoisde avalia faktu hotu, Tribunál prova katak arguidu hatama mina liu husi dalan ilegal. Bazeia ba faktu provadu ne'e no tetu mós sirkuntánsia ne'ebé haleu krime, nune'e tribunál konklui prosesu no kondena kada arguidu ho pena multa U\$S 45.00, arguidu sira sei selu kada loron Centavus 0.50 durante loron 90, bainhira arguidu la selu multa refere arguidu sei kumpri prizaun alternativa durante loron 60.

3. Krime ofensa korporál resíproka

Nú. Prosesu	: 0023/23.CVSUI
Kompozisaun Tribunál	: Singulár
Juis	: Dr. Naason M.A.M. Doutel.
Prokuradór	: Dr. Rafael Jeronimo Gusmão
Defeza	: Dr. Domingos dos Santos
Konkluzau	: Omologa pedidu dezisténsia keixa.

Iha 07 Jullu 2023, Tribunál Judisiál Primeira Instansia Suai prezide tentativa konsiliaun ba krime ofensa korporál resiproka ne'ebé envolve arguidu Hello Martins ho nia feen Litigia Ferreira Carvalhos, iha Munisípiu Covalima.

Akuzasaun Prokuradór

Prokuradór akuza katak iha 19 Marsu 2023, iha oras tuku 20:00 kalan, arguidu HM ho lezada LFC mosu diskusaun, husi diskusaun ne'e arguidu HM nervozu basa dala ida iha lezadu LFC nia ulun, buti kakorok nune'e rezulta moras iha lezadu nia kakorok no ulun. Lezada LFC fila foti ai-kama nian hodi baku dala rua iha arguidu HM nia kotuk laran.

Prokuradór akuza arguidu no lezada kontra artigu 151 KP kona-ba ofensa korporál resiproka ho moldura Penál tinan 2 ka multa tanba sira baku malu.

Tentativa konsíliasaun

Bazeia ba artigu 262 (1) KPP kona-ba tentativa ba konsiliaun, nune'e antes tama ba julgamentu produsaun ba prova sira, juis halo tentativa konsiliaun ba arguida Hello Martins ho Litigia Ferreira Carvalhos no iha tentativa konsiliaun ne'e, partesira hakarak dame malu sein fó kondisaun ba malu tanba antes ne'e sira di'ak malu ona no mós promete sei la repete tan hahalok hanesan iha futuru.

Alegasaun

Prokuradór no defeza iha sira nia konkluziun apresia ba akordu dame husi parte rua no husu ba tribunál atu omologa prosesu ne'e.

Dezisaun

Bazeia ba akordu dame husi parte rua no pedidu dezisténsia keixa husi lezadu, tuir artigu 262 nú 2 KPP, tribunál konklui prosesu ne'e hodi omologa akordu ne'e no ho konsekuensia absolve arguidu husi krime ne'e.

4. Krime ofensa ba integridade fízika simples ho natureza violénsia doméstika krime amiasa no danu simples

Nú.Prosesu	: 0011/23.BBMLV
KompozisaunTribunál	: Singular
Juis	: Dr. Mário Armindo Marques Doutel
Prokuradór	: Dr. Nelson J.S. Magno
Defeza	: Dr. Domingos dos Santos
Desizaun	: Pena prizaun fulan 6 suspende ba tinan 1 fulan 6

Iha 07 Jullu 2023, Tribunál Judisiál Primeira Instánsia Suai prezide leitura sentensa ba krime ofensa ba integridade fízika simples natureza VD ne'ebé envolve arguidu Angelino SRG hasoru nia feen JdSM, iha Munisípiu Bobonaro.

Akuzasaun Prokuradór

Prokuradór akuza katak Iha 23 Janeiru 2023, iha oras tuku 13:00 meudia, arguidu tuku dala ida iha lezada nia ulun maibé satan netik nia liman no tuku fali liman, tuku dala rua iha tilun parte karuk, lezada halai arguidu halai tuir tuku tan dala rua iha ulun no dudu monu lezada ba parede no arguidu kontinua foti lezada nia telefone tuda rahun no amiasa lezada atu oho. reantes ne'e arguidu ho lezada diskuti malu kona-ba atu hela

uma ketak, maibé lezada lakoi nune'e mosu dezentendimentu entre arguidu ho lezada no arguidu nerboju halo agreasaun hirak ne'e hasoru lezada.

Prokurdador akuza arguidu kontra artigu 145 KP kona-ba krime ofensa ba integridade fizika simples ho moldura penal too tinan 3 ka multa artigu 258 KP danu simples no artigu 157 KP amiasa konjuga ho artigu 2,3(a), 35 (b) no 36 LKVD.

Produsaun ba prova sira

antes ba julgamentu tribunál halo tentativa konsiliaun ba krime amiasa no danu simples, maibé lezada lakoi no kontinua ba julgamentu.

Iha prosesu julgamentu ne'e arguidu konfesa parsialmente ba faktu iha akuzasaun no deklarata katak faktu sira seluk ne'e loos hotu maibé ba amiasa atu oho lezada ne'e la loos, arguidu deklarata katak dadaun ne'e sei hases aan tanba lezada nia inan aman haree arguidu la di'ak, arguidu deklarata areepende ninia hahalok, foin mak primeiravéz mai hatan iha tribunál no promete futuru sei larepete ninia hahalok ne'e hasoru lezada no ema seluk.

Alende ne'e lezada kontinua konfirma faktu iha akuzasaun no deklarata katak sei hadomi arguidu maibé arguidu atu fila ba lezada, arguidu tenke ba ho nia familia no koalia kedas lezada nia folin, lezada deklarata katak ba amiasa ne'e sente la seguru no halai ba nia uma, maibé bainhira di'ak malu fali arguidu ba lori lezada fila ba uma no la sente tauk.

Alegasaun finál

Prokurador haktuir katak ba krime rua seluk provadu hotu kedas, maibé ba krime amiasa momentu ne'e mak lezada tauk, maibé bainhira sira di'ak malu lezada sente la tauk no bain bain de'it, tanba ne'e ba krime amiasa husu ba tribunál absolve no ba krime rua seluk husu atu kondena arguidu.

Entretantu defeza husu ba tribunál tetu sirkuntánsia arguidu nian no kondena arguidu pena ne'ebé kaman.

Desizaun

Depoisde avalia faktu sira hotu, tribunál prova katak ba krime ofensa ba integridade fizika simples no danu simples ne'e provadu hotu kedas, maibé ba krime amiasa tribunál konsidera la provadu maske amiasa lezada maibé lezada sente latauk bainhira arguidu amiasa lezada, nune'e tribunál konklui prosesu no kondena arguidu ba pena prizaun fulan neen suspende ba tinan ida fulan neen, enkuantu ba krime danu simples absolve arguidu husi krime.

5. Krime ofensa ba integridade fízika simples ho natureza violéncia doméstika

Nú.Prosesu : 0016/23.BBMLV
KompozisaunTribunál : Singular
Juis : Dr. Mário Armindo Marques Doutel
Prokuradór : Dr. Pascasio de Rosa Alves
Defeza : Dr. Domingos dos Santos
Desizaun : Pena prizaun fulan 3 suspende tinan 1

Iha 7 Jullu 2023, Tribunál Judisiál Primeira Instáncia Suai prezide leitura sentensa ba krime ofensa ba integridade fizika simples natureza VD ne'ebé envolve arguidu HH hasoru nia feen CL, iha Munisípiu Bobonaro.

Akuzasaun prokuradór

Prokuradór akuza katak iha 09 Feveireiru 2023, iha oras tuku 06:00 dadersan, arguidu basa dala ida iha lezada nia hasan parte loos, dala ida iha parte karuk, tebe dala ida iha kabun kidun no hanehan lezada nia ulun ba rai. Antes ne'e arguidu sai dadersan no tama fali uma iha dadersan loraon tuir mai no lezada aruma arguidu nia roupa nune'e mosu dezentendimentu arguidu nerboju halo agreasaun hirak ne'e hasoru lezada.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál too tinan 3 ka multa konjuga ho artigu 2,3(a), 35 (b) no 36 LKVD.

Produsaun ba prova sira

Iha prosesu julgamentu, arguidu konfesa integralmente ba faktu sira iha akuzasaun no deklarata katak too agora labaku ona lezada, arrepende ninia hahalok, foin mak mai hatan iha tribunál promete futuru sei larepete ninia hahalok.

Alande ne'e lezada kontinua konfirma fktu iha akuzasaun no deklarata katak depoisde akontese fila ba uma di'ak malu kedas no too agora la iha problema.

Alegasaun finál

Prokuradór haktuir katak arguidu ninia aktu ne'e provadu hotu tuir faktu iha akuzasaun no konfirma husi lezada. tanba ne'e husu ba tribunál atu kondena arguidu tuir artigu 145 KP nian.

Enkuantu defeza husu ba tribunál atu aplika pena multa ba arguidu tuir nia kapasidade ekonamia.

Desizaun

Depoisde avalia faktu sira hotu, tribunál prova katak arguidu basa dala ida iha lezada nia hasan parte loos, dala ida iha parte karuk, tebe dala ida iha kabun kidun no hanehan lezada nia ulun ba rai. Bazeia ba faktu provadu sira ne'e no tetu mós sirkuntansia atenuante no agravante hotu, nune'e konklui prosesu no kondena arguidu ho pena prizaun fulan tolu suspende ba tinan ida.

6. Krime ofensa ba integridade fizika simples ho natureza violéncia doméstika

Nú.Prosesu : 0149/22.BBMLV
KompozisaunTribunál : Singular
Juis : Dr. Nasson Mário Armindo Marques Doutel
Prokuradór : Dr. Pascasio de Rosa
Defeza : Dr. Domingos dos Santos
Desizaun : Pena prizaun tinan 1 fulan 6 suspende ba tinan 3

Iha 7 Jullu 2023, Tribunál Judisiál Primeira Instáncia Suai prezide leitura sentensa ba krime ofensa ba integridade fizika simples natureza VD ne'ebé envolve arguidu EFH hasoru nia feen FMF, iha Munisípiu Bobonaro.

Akuzasaun prokuradór

Prokuradór akuza katak iha 17 Dezembru 2022, iha oras tuku 8:00 dadersan, arguidu tebe dala ida iha lezada nia kabun kidun halo lezada monu ba rai, arguidu kontinua buti lezada nia kakorok, rasta lezada nia fuuk no basa dala ida iha lezada nia hasan parte karuk. Antes agreasaun ne'e xefe aldeia husu lezada nia fisa familia, nune'e lezada telefone arguidu husu fisa familia maibé arguidu bosok dehan fisa familia fo tiha ona xefe aldeia, nune'e mosu diskusaun arguidu nerboju halo agreasaun hirak ne'e hasoru lezada.

Prokuradór akuza arguidu kontra artigu 145 KP kona-ba krime ofensa ba integridade fizika simples ho moldura penál too tinan 3 ka multa konjuga ho artigu 2,3(a), 35 (b) no 36 LKVD.

Produsaun ba prova sira

Iha prosesu julgamentu, arguidu konfesa parsialmente ba faktu iha akuzasaun, arguidu deklar katak momentu serbisu iha loja maibé lezada ba obriga arguidu ne'e mak arguidu nerboju tebe dala ida iha lezada nia kelen, kona-ba faktu sira seluk ne'e la loos hotu. Arguidu deklar katak tebe ema ne'e bele moras no baku feen ne'e lai bandu.

Alende ne'e lezada kontinua konfirma faktu sira iha akuzasaun no deklar katak seppara ona ho arguidu no too ohin loron arguidu la tau matan ba sira nia oan.

Alegasaun finál

Prokuradór haktuir katak iha julgamentu ne'e mesmu arguidu nega faktu balun maibé lezada kontinua konfirma faktu iha akuzasaun, alende ne'e krime violensia domestika aas tebes nune'e husu ba tribunál atu kondena arguidu.

Enkuantu defeza haktuir katak husu ba tribunál atu deside tuir konfiksaun tribunál

Desizaun

Depoisde avalia faktu sira hotu, tribunál prova katak arguidu arguidu provadu komete krime hasoru lezada, mesmu iha julgamentu arguidu nega faktu balun maibé lezada kontinua konfirma faktu sira iha akuzasaun. Bazeia ba faktu provadu sira ne'e no tetu

mós sirkuntansia hot-hotu, nune'e tribunál konklui prosesu no kondena arguidu ba pena prizaun tinan ida fulan neen suspende ba tinan tolu.

7. Krime ofensa ba integridade física simples ho natureza violénsia doméstika

Nú.Procesu : 0003/22.CVMCT
KompozisaunTribunál : Singular
Juis : Dr. Jose Maria de Araujo
Prokuradór : Dr. Rafael Jeronimo Gusmão
Defeza : Dr. Jonas Henrique da Costa
Desizaun : Pena prizaun fulan 6 suspende ba tinan 1

Iha 12 Jullu 2023, Tribunál Judisiál Primeira Instánsia Suai prezide ba krime ofensa ba integridade fizika simples natureza VD ne'ebé envolve arguidu NdC hasoru nia feen LdJdCO, iha Munisípiu Covalima.

Akuzasaun Prokuradór

Prokuradór akuza katak iha 21 Dezembru 2021, iha oras tuku 06:00 dadersan, arguidu tuku dala ida iha lezada nia matan laran parte loos rezulta metan no bubu. Antes agreasaun ne'e lezada haruka arguidu kous sira nia oan ba halo tramentu iha hospital, maibé arguidu lakoi nune'e mosu dezentendimentu argudu nerboju no komete aktu refere hasoru lezada.

Prokurdadór akuza arguidu kontra artigu 145 KP kona-ba krime ofensa ba integridade física simples ho moldura penál too tinan 3 ka multa konjuga ho artigu 2,3(a), 35 (b) no 36 LKVD.

Produsaun ba prova sira

Iha prosesu julgamentu, arguidu konfesa faktu hotu iha akuzasaun no deklara katak depoisde akontese di'ak malu kedas, foin mak mai hatan iha tribunál, arrende ninia hahalok katak baku feen ne'e ladi'ak.

Tanba arguidu konfesa faktu hotu, prokuradór no defeza husu presinde lezada no tribunál mós konkorda hodi presinde lezada.

Alegasaun finál

Prokuradór konsidera arguidu tuku duni dala ida lezada, ne'ebé arguidu konfesa, tanba ne'e husu ba tribunál atu kondena arguidu ho pena adekua ba arguidu.

Enkuantu defeza mós haktuir katak husu ba tribunál atu haree sirkuntansia arguidu nian no husu ba tribunál atu decide tuir konfiksaun tribunál nian.

Desizaun

Depoisde avalia faktu sira hotu, tribunál prova katak arguidu tuku dala ida iha lezada nia matan laran parte loos rezulta metan no bubu. Bazeia ba faktu provadu ne'e no tetu mós sirkuntánsia atenuante hot-hotu haleu krime nune'e tribunál konklui prosesu no kondena arguidu ho pena prizaun fulan neen suspende ba tinan ida.

8. Krime ofensa ba integridade fízika simples ho natureza violénsia doméstika

Nú. Prosesu : 0024/23.CVSUI
Kompozisaun Tribunál : Singulár
Juis : Dr. Nasson Mário Armindo Marques Doutel
Prokuradór : Dr. Rafael Jeronimo Gusmão
Defeza : Dr. Angelmo Pinto
Desizaun : Pena Multa US\$ 45.00

Iha 14 Jullu 2023 Tribunál Judisiál Primeira Instansía Suai prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JT hasoru nia feen FMP, iha Munisípiu Covalima.

Akzusaun prokuradór

Prokuradór akuza katak iha 02 Dezembru 2022, iha oras tuku 17:00 loraik, arguidu tuku dala ida iha lezada nia kanosen. Mutivu ba aktu ne'e arguidu ho lezada diskuti malu no haruka lezada para ninia serbisu maibé lezada lakoi ne'e mak arguidu halo aktu hasoru lezada.

Kontinua iha 03 Dezembru 2022, iha oras tuku 9:00 dader, arguidu ho lezada diskuti malu kona-ba asuntu hanesan nune'e arguidu nerboju tuku dala ida iha lezada nia kanosen.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a) 35(b) no 36 LKVD.

Produsaun ba prova sira

Iha julgamentu arguidu konfesa parsialmente ba faktu iha akuzasaun, arguidu deklara katak mometu ne'e diskuti malu no lezada tuku uluk ne'e mak arguidu nerboju tuku dala ida iha lezada nia kanosen, arguidu deklara tan katak akontesementu iha 3 Dezembru 2022 ne'e duni malu de'it, maibé labaku lezada.

Alende ne'e lezada kontinua konfirma faktu iha akuzasaun no deklara katak separa ona ho arguidu.

Alegasaun finál

Prokuradór haktuir katak arguidu mesmu konfesa parsial de'it maibé lezada kontinua konfirma faktu iha akuzasaun no reforsa husi relatoriu ezaminazasaun husi pradet. Tanba ne'e husu ba tribunál atu kondena arguidu tuir artigu 145 husi KP nian.

Enkuantu defeza haktuir katak depoisde akontesimentu liu loron haat sira di'ak malu fali ona tanba ne'e husu ba tribunál tetu sirkuntasia sira no decide tuir konfikasaun tribunál nian.

Desizaun

Depoisde avalia faktu sira hotu, tribunál prova katak arguidu arguidu tuku dala rua iha lezada nia kanosen. Bazeia ba faktu provadu sira ne'e no tetu mós sirkuntansia ne'ebé haleu krime, nune'e tribunál konklui prosesu no kondena arguidu pena multa US\$ 45.00 arguidu sei selu loron ida US\$ 1.00 durante loron 45 bainhira arguidu la selu pena multa refere arguidu sei kompri prizaun alternativa loron 40, tribunál mós kondena arguidu selu kustu US\$ 10.00.

9. Krime kontrabandu

Nú. Prosesu	: 0033/21.CVSL
Kompozisaun Tribunál	: Koletivu
Juis	: Dra. Patricia de Araujo F. B. M. Xavier Dr. Naason Mário Armindo Marques Doutel Dr. Hugo Pui
Prokuradór	: Dr. Rafael Jeronimo Gusmão
Defeza	: Dr. Angelmo Pinto
Dezisaun	: Pena multa US\$ 45.00

Iha 19 Jullu 2023, Tribunál Judisiál Primeira Instánsia Suai prezide leitura akordaun ba krime Kontrabandu ne'ebé envolve arguidu Sipri José, hasoru Estadu RDTL, iha Munisipiu Suai.

Akuzasaun Prokuradór

Prokuradór akuza katak loron la apura, fulan Setembru 2021, arguidu kontaktu ho sidadaun Indonesia atu sosa kilat anin ho marka AESE 92, sidadaun indonesia rai sasan refere rai iha arguidu nia uma toos, arguidu sosa kilat anin refere ho valor US\$ 150.00. hafoin sosa tiha kilat ne'e arguidu lori sasan ne'e rai iha ninia uma no polisia UPF halao hela patrolamentu no konsege hetan objetu refere iha arguidu nia uma. Konsekuensia husi arguidu nia hahalok ne'e estadu RDTL hetan prejiuju.

Prokuradór akuza arguidu kontra artigu 316 KP kona-ba konta bandu ho muldura penál tinan 2 too tinan 6 ka multa.

Produsaun ba Prova sira

Iha julgamentu arguidu konfesa ba faktu iha akuzasaun no deklarata katak foin mak mai hatan iha tribunál, arrepende ninia hahalok no depoisde akontesimentu to'o agora la komunika sidadaun indonesia hatama sasan liu husi dalan ilegal sira. Arguidu deklarata mós katak sosa kilat ne'e atu ba kasa iha ailaran.

Alegasaun Finál

Prokuradór iha nia alegasaun katak, arguidu konfesa ba faktus iha akuzasaun, haree ba arguidu ninia hahalok ne'e primense elemntu krime, nune'e husu ba tribunál atu aplika pena ne'ebé mais adekuadu.

Defeza haktuir katak tetu sirkuntansia arguidu no husu ba tribunál atu kondena arguidu tuir konfiksaun tribunál nian.

Desizaun

Depoisde avalia faktu hotu, Tribunál prova katak arguidu sosa kilat anin liu husi dalan ilegalmente . Bazeia ba faktu provadu ne'e no tetu mós sirkuntánsia ne'ebé haleu krime, nune'e Tribunál konklui prosesu no kondenaarguidu ho pena multa U\$S 45.00, arguidu sei selu kada loron Centavus 0.50 durante loron 90, bainhira arguidu la selu multa refere arguidu sei kumpri prizaun alternativa durante loron 60. objetu krime afavor ba Estado.

10. Krime abuzu seksual ba menór

Nú. Processu : 0020/19.ANANV
Kompozisaun Tribunal : Koletivu
Juis : Dr. Hugo Pui, Dra. Patricia da Arujo F. B.M. Xavier. Dr. Samuel da Costa Pacheco
Prokuradór : Dr. Rafael Jeronimo Gusmao
Defeza : Dr. Domingos da Costa (advogadu)
Desizaun : Pena prizaun tinan 6 fulan 8 no selu indeminizasaun sivil US\$ 700.00

Iha 20 Jullu 2023, Tribunál Judisiál Primeira Instánsia Suai, prezinde leitura akordaun ba krime abuzu seksuál ba menór ne'ebé envolve arguidu EM hasoru lezada DFGM, iha Munisípiu Ainaro.

Akuzasaun prokuradór

Prokuradór akuza katak Iha 28 Jullu 2019, iha oras tuku 14:20 meudia, arguidu Euzebio Martins ba iha lezada sira nia uma lokalizadu iha aldeia Sebago. Suku Ainaro, Munisípiu Ainaro Hafoin too iha lezada sira nia uma, arguidu bolu lezada atu asiste video kanta iha nia telemovel, nune'e lezada mós la preokupa hodi ba hamrik iha arguidu nia kelen leet, entaun arguidu kous lezada hatuur iha nia kelen leten hodi asiste video kanta no arguidu aproveita kolu tiha lezada nia kalsa hodi dehan depois hau fó osan centavus 0,25 ba lezada.

Tuir mai arguidu dada tun lezada ninia kalsa nia fiskaleira hodi hasai nia penis ne'ebé erektu fai ba lezada nia anus, rezulta moras no halo lezada tanis hakilar hodi halai liu ba nia inan, maibé ho tauk lahateten sai saida mak arguidu halo ba lezada.

Katak bainhira testemuña ELSS, bolu lezada, ba iha tos hodi ku'u margujas, no husu ba lezada dehan tanba sa ohin o tanis, nune'e lezada hafoin hateten dehan arguidu hasai nia orgaun seksuál hatama ba hau nia orgaun seksuál.

Katak iha kalan, kuandu lezada toba hamutuk ho nia bin, lezada toba lahakmatek nune'e lezada nia bin husu lezada, tanba sá o toba lakhamatek, alende ne'e lezada konta ba nia bin katak arguidu hasai nia orgaun seksuál hatama ba nia anus. Hafoin testemuña rona no fó hatene kedas ba lezada nia inan-aman, hafoin lezada nia inan-aman bolu kedas arguidu ba iha uma hodi husu tuir kona-ba faktus ne'e maibé arguidu nega katak nia sama de'it lezada nia ain mak halo tanis.

Konsekuinsia direita husi hahalok arguidu nian, rezulta lezada sente moras iha kidun tauk no trauma. Kazu ne'e aneksu ho relatoiu ezaminasaun husi PRADET.

Prokuradór akuza arguidu kontra artigu 177 KP kona-ba abuzu seksuál ba menór ho moldura penál tinan 5 too tinan 15.

Produsaun ba prova sira

Iha julgamentu arguidu nia deklarasaun deklarata katak faktus sira ne'e balun los no balu lalos, arguidu deklarata katak iha momentu ne'ebá arguidu nonton video kanta iha youtube no arguidu mós bolu lezada mai nonton besik malu, ho nune'e mak arguidu sama kona lezada nia ain mak tanis no hakilar. Arguidu mós deklarata katak fó osan ba lezada ne'e lae.

Lezada nia deklarasaun katak arguidu bolu lezada atu mai nonton video músik youtube, maibé lezada mós lakohi atu tuur besik arguidu, nune'e arguidu nafatin obriga lezada no bolu lezada atu fó osan \$0,25 centavos, no arguidu kontinua obriga lezada atu tur besik arguidu nia sorin, ho ida ne'e maka arguidu dada tun kalsa nia fixkalera hodi hasai nia penis ne'ebé erektu fai ba lezada nia orgaun seksual, rezulta moras no halo lezada tanis hakilar hodi halai liu ba nia inan, maibé ho tauk la hateten sai no saida mak arguidu halo ba lezada.

Testemuña ELSS, depoimenta katak iha altura ne'ebá arguidu mai iha lezada sira nia uma, no testemuña, bolu lezada, ba iha tos hodi ku'u margujas, no husu ba lezada, Delfia dehan tanbasa ohin o tanis, nune'e lezada hafoin hateten dehan arguidu hasai nia penis tau iha lezada nia kidun. Testemuña JF hanesan lezada nia bin depoimenta katak iha momentu ne'ebá lezada ho nia bin iha kalan sira toba hamutuk iha kuartu laran, maibé testemuña hare'e lezada toba la hakmatek nune'e lezada husu tanbasa o toba la hamatek ne'e, alende ne'e lezada konta ba testemuña katak arguidu hasai nia penis hatama ba nia anus. Hafoin informasaun husi lezada, testemuña fó hatene kedas ba lezada nia inan-aman, hafoin lezada nia inan-aman bolu kedas arguidu ba iha uma hodi husu tuir kona-ba faktus ne'e maibé arguidu nega katak nia sama de'it lezada nia ain mak halo tanis.

Alegasaun finál

Prokuradór haktuir katak, iha julgamentu ne'e arguidu nega hotu faktu prisipal sira maibé rona lezada no testemua sira kontinua konfirma faktu iha akuzasaun, prokuradór haree katak momentu akontesimentu ne'e arguidu uza objetu ruma ka nia penis hatama ba lezada nia anus, tanba ne'e prokuradór husu ba tribunál atu kondena arguidu ho pena prizaun tinan 10.

Defeza haktuir katak, iha julgamentu ne'e arguidu laos nega maibé buat ne'ebé arguidu hatete ne'e loos duni, defeza entende katak arguidu nia aktu ne'e la priense elementu krime ne'ebé dun ba arguidu, tanba ne'e husu ba tribunál atu absolve arguidu husi krime.

Desizaun

Depoisde avalia faktu hotu, tribunál prova katak arguidu provadu komete krime abuzu seksuál ba menór hasoru lezada, mesmu arguidu nega maibé tribunál fiar arguidu nia deklarasaun perante iha prokuradór nian ne'ebé arguidu konfesa katak arguidu halo aktu refere hasoru lezadu, alende ne'e mós lezada kontinua konfirma faktu no reforsa husi testemuña no ezaminasaun husi PRADET. Bazeia ba faktu provadu sira ne'e no tetu sirkuntánsia hot-hotu haleu krime nune'e tribunál konklui prosesu no kondena arguidu ho pena prizaun tinan 6 fulan 8 no kondena arguidu selu indeminizasaun sivil US\$ 700.00.

11. Krime danu simples ho krime armas brankas

Nú. Prosesu	: 0003/20.CVFHR
Kompozisaun Tribunál	: Koletivu
Juis	: Dr. Hugo da Cruz Pui, Dra. Patricia de Araujo F. B.M. Xavier, Dr. Samuel da Costa Paiceco
Prokuradór	: Dr. Pascasio de Rosa Alves
Defeza	: Dr. Angelmo Pinto
Ofesial Justisa	: Sr. Januario de Aroujo
Desizaun	: Omologa dezisténsia keixa, Pena prizaun tinan 2 Suspende ba tinan 3

Iha 20 Jullu 2023, Tribunál Judisial Primeira Instansia Suai prezide tentativa konsiliaun no leitura akordaun ba krime danu simples ho krime ida arma brankas ne'ebé envolve arguidu CA hasoru Lezadu FdS Iha Munisípiu Covalima.

Akuzasaun Prokuradór

Prokuradór akuza katak iha 02 Marsu 2020, iha oras tuku 15:30 lokraik, arguidu tama ba lezadu nia uma laran ho katana no estraga sasan sira hanesan kuluna rua, telemovel ho marka telemor ida, cast/inventer telemovel ida, binkai foto ida, bikan fatuk rua no tomada ida husi arguidu nia aktu brutalismu ne'e lezada hetan prejuiju US\$ 74.50 centavus. antes ne'e lezadu loke muzika ho lian boot no arguidu halai ba iha lezadu nia uma no haksesuk malu ho lezadu no amias no halai tama ba uma laran estraga sasan refere.

Prokuradór akuza arguidu Cipriano Asuk kontra artigu 258/1, 2, alinea f) no krime ida armas brancas, (1, 2, nú 1, alinea b, j), 2 alinea f), 20 nú 1, husi lei nú 5/ 2017, iha 19 abril.

Produsaun ba prova sira

Iha julgamentu ne'e tribunál husu atu halo tentativu konsiliaun ba krime danu simples, nune'e antes tama ba julgamentu produsaun ba provas sira.

Iha prosesu konsiliaun ne'e, arguidu ho lezadu hakarak atu deme malu no selu ba sasan ne'ebé estraga ona, ho osan valor U\$S 74,50 (dolar hitu nulu resin hát, centavos lima nulu).

Iha julgamentu, arguidu konfesa faktu iha akuzasaun no deklara katak arrepende ninia hahalok, foin mak mai hatan iha tribunál no depoisde akontesimentu too agora la repete ona ninia hahalok, arguidu deklara katak katana ne'e bain-bain uza ba toos. CA

Alegasaun finál

Prokuradór haktuir katak arguidu konfesa faktu hotu iha akuzasaun, maske arguidu konfesa maibé hahalok arguidu nian halo ema tauk tanba momentu iha ne'eba lezada sente tauk loos ho arguidu nia aktu refere, tanba ne'e husu ba tribunál atu kondena arguidu tuir lei arma brankas nian.

Defeza iha nia alegasaun husu ba tribunál tetu sirkuntásia arguidu nian no husu ba tribunál kondena arguidu tuir pena ne'ebé iha.

Desizaun,

Depoisde avalia faktu sira hotu, tribunál prova katak arguidu lori katana naruk ida tama liu ba uma laran hodi táa estraga lezadu sira nia sasan no arguidu uza ka lori katana hodi ameasa ema, bele provoka no hamosu ema mate. Bazeia ba faktu provadu sira ne'e no tetu mós ho sirkunstánsia atenuante sira hotu ne'ebé haleu krime nune'e tribunál konklui prosesu ne'e no kondena arguidu ho pena prizaun tinan rua suspende ba tinan tolu.

12. Krime ofensa ba integridade física simples ho natureza violénsia doméstika

Nú. Prosesu : 0009/22.MFTRC
Kompozisaun Tribunál : Singulár
Juis : Dr. Hugu Pui
Prokuradór : Dr. Rafael Jeronimo Gusmão
Defeza : Dr. Domingos dos Santos
Desizaun : Pena Admoestasaun

Iha 21 Jullu 2023 Tribunál Judisiál Primeira Instansía Suai prezide leitura sentensa ba krime ofensa ba integridade física simples ho natureza violénsia doméstika ne'ebé envolve arguidu MdShasoru nia fen SMiha Munisípiu Manufahe.

Akzusaun prokuradór

Prokuradór akuza katak iha Marsu 2023, iha oras tuku 6:00 dadeer, arguidu lori liman sikun fai dala ida lezada nia hirus matan, tuku dala rua iha kotuk laran, dada lezada nia liman dudu monu ba kama leten, tebe dala ida iha kelen parte karuk no tuku dala ida iha liman kabun. Antes agreasaun ne'e lezada ho arguidu toba hela no derepente arguidu dudu lezada no halo agreasaun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál too tinan 3 ka multa, konjuga ho artigu 2, 3(a) 35(b) no 36 LKVD.

Produsaun ba prova sira

Iha julgamentu ne'e arguidu hili direitu nonok.

Alende ne'e lezada kontinua konfirma faktu iha akuzasaun no deklarata katak depoisde akontesimentu too agora la iha problema seluk, lezada deklarata mós katak liu loron haat mak di'ak malu fali no arguidu husu ona deskulpa ba lezada.

Alegasaun finál

Prokuradór haktuir katak mesmu arguidu hili direitu nonok maibé lezada kontinua konfirma faktu sira iha akuzasaun, prokuradór entende katak arguidu ninia aktu priense elementu krime, nune'e husu ba tribunál atu kondena arguidu ho pena prizaun tinan ida no suspende ba tinan ida

Enkuantu defeza haktuir, husu ba tribunál atu decide tuir tribunál nia konfiksaun

Desizaun

Depoisde avalia faktu sira hotu, tribunál prova katak arguidu lori liman sikun fai dala ida lezada nia hirus matan, tuku dala rua iha kotuk laran, dada lezada nia liman dudu monu ba kama leten, tebe dala ida iha kelen parte karuk no tuku dala ida iha liman kabun. Bazeia ba faktu provadu sira ne'e no tetu mós sirkuntansia atenuante hanesan arguidu foin mak mai hatan iha tribunál arrepende ninia hahalok no di'ak malu fali ona, nune'e tribunál konklui prosesu no kondena arguidu ho pena admoestasau.

13. Krime abuzu seksuál ba menór no tentativa abuzu seksuál ba menór no natureza violénsia doméstika.

Nú. Prosesu : 0003/21.MFSIC

Kompozisaun Tribunál : Koletivu

Juis : Dr. Naason Mário Armindo Marques Doutel, Dr. Hugu Pui no Dr. Samuel da Costa Pacheco

Prokuradór : Dr. Rafael Jeronimo Gusmão

Defeza : Dr. Octavio

Desizaun : Pena prizaun tinan 11 fulan 6

Iha 24 Jullu 2023, Tribunál Judisiál Primeira Instánsia Suai prezide leitura akordaun ba krime abuzu seksuál ba menór no tentativa abuzu seksuál ba menór ho natureza violénsia doméstika ne'ebé envolve arguidu JAF hasoru oan entiada MdCM, iha Munisípiu Manufahe.

Akuzasaun Prokuradór

Prokuradór akuza katak loron no fulan ne'ebe lezada haluhan ona, maibé iha 2019, lezada hare arguidu hamrik hela hodi hateten ba lezada dehan " *mai hau kaer tok o nia orgaun hirus mtan oan ne'e bo'ot ona kasedauk*" tuir mai arguidu kaer kedas lezada nia orgaun hirus matan, nune'e, lezada hase'e kedas arguidu dehan" *hau sei hateten ba ama kiik* , maibé arguidu hateten ba lezada dehan" labele fo hatene ba o nia ama kiik " hodi husik tia lezada nia hirus matan.

Akontesimentu daruak, iha loron fulan no tinan ne'ebe lezada haluhan, maibé iha kalan, lezada toba hela iha kuartu laran, arguidu tama ba hodi dada lezada nia kalsa korenti nakloke tiha, bainhira lezada hakfodak, arguidu halai sai tiha husi kuartu laran.

Akontesimento dala tolu loron no fulan tinan ne'ebé lezada haluhan, arguidu ba haris iha haris fatin no haruka lezada atu lori sabaun ba fó arguidu no lezada lori sabaun ba haris fatin fó ba arguidu maibé arguidu rasta lezada tama ba haris fatin no lezada hikis aan no halai sai husi haris fatin.

Prokuradór akuza arguidu kontra artigu 177 KP nú 2 kona-ba abuzu seksuál ba menór ho moldura penál tinan 5 too tinan 15, artigu 182 KP agravsaun no artigu 23, 24 KP tentativa nia punibilidade no artigu 177 KP kona-ba abuzu seksuál no konjuga ho artigu 2, 3 (d) 35 (b) no 36 LKVD.

Produsaun ba Prova sira

Iha prosesu julgamentu, arguidu nia deklarasaun deklarata katak faktu balun loos no balun la loos, arguidu deklarata katak lezada ba hela ho arguidu no arguidu ho nia feen mak responsavel ba lezada ninia nesesidade loro-loron nian, arguidu deklarata katak momentu ne'eba arguidu lakaer lezada nia hirus matan, la tama lezada nia kuartu loke lezada nia fiskaleiru kalsa no laharuka lezada lori sabaun ba haris fatin no la dada lezada nia liman ba haris fatin laran. Arguidu deklarata katak iha fulan Dezembru 2020, lezada sai husi uma fila ba nia aman no la fila mai uma tanba problema ida ne'e no too agora lezada la fila mai uma, arguidu deklarata liu tan katak antes ne'e nunca problema ho lezada nia inan aman sira.

Alende ne'e lezada kontinua konfirma faktu sira iha akuzasaun no deklarata katak tanba problema ne'e, lezada sai husi uma ba hela fali ho nia inan kiik no konta ninia problema ne'e ba nia inan kiik no lezada ho nia inan kiik kontinua ba fo hatene ba lezada nia aman no momentu ne'eba lezada nia aman telefone ba iha arguidu no atu rezolve maibé arguidu lakoi, nune'e lezada ho nia aman apresenta keixa iha eskwadra Polisia Alas.

Testemuña LF arguidu nia feen, hili direitu kolia, depoimenta katak momentu ne'eba testemuña la iha kuinesimentu, maibé bainhira lezada ferias testemuña aturiza lezada ba iha ninia aman no too eskola tama fali lezada la fila mai uma tanba lezada nia inan mate ne'e arguidu ho nia feen mak halo lezada nia ina mate maibé testemuña deklarata katak kona-ba arguidu nia aman bandu lezada fila mai.

Testemuña AdCM hanesan lezada nia aman, depoimenta katak lezada idade tinan 6 ba hela ona arguidu ho nia feen hodi ba eskola no akontese problema ne'e lezada sai husi arguidu nia uma fila ba nia uma no konta tuir problema dehan " arguidu bolu lezada no kaer hirus matan ne'e bo'ot ona ka sedauk, lezada toba hela iha kuartu laran, arguidu tama ba hodi dada lezada nia kalsa korenti nakloke tiha, bainhira lezada hakfodak, arguidu halai sai tiha husi kuartu laran, arguidu ba haris iha haris fatin no arguidu haruka lezada atu lori sabaun ba fó arguidu no lezada lori sabaun ba haris fatin atu fó ba arguidu maibé arguidu rasta lezada tama ba haris fatin no lezada hikis aan no halai sai husi haris fatin.

Alegasaun finál

Prokuradór haktuir katak, iha julgamentu ne'e arguidu nega hotu faktu prisipal sira maibé rona lezada no testemuna sira kontinua konfirma faktu iha akuzasaun, prokuradór haree katak momentu akontesimentu ne'e lezada sdk atinji tinan 13, tanba ne'e husu ba tribunál atu halo alterasaun kualifikasaun abuzu seksuál ne'e ba fali abuzu seksuál agravasaun, nune'e husu ba tribunál atu kondena arguidu ho pena prizaun tinan ualu.

Entretatu defeza iha nia alegasaun katak, iha perante julgamentu ne'e arguidu konfesa parsial ba faktu iha akuzasaun, maibé lezada kontinua konfirma faktu iha akuzasaun, rona testemuña arguidu nia feen ba kazu ne'e sira duun de'it ,tanba sira deskonfia arguidu ho arguidu nia feen mak halo mate lezada nia inan mate maibé rona testemuña lezada nia aman dehan lezada mak konta informasaun ne'e ba nia aman, maibé lezada dehan ninia tian mak fó hatene ba lezada nia aman. Defeza haree katak lezada mai hela kleur ona ho arguidu ho nia feen maibé problema akontese hanesan ne'e nunca kesar ba nia inan kiik arguidu nia feen, tanba ne'e defeza duvida nune'e husu ba tribunál atu absolve arguidu husi krime.

Ba pedidu prokuradór nia defeza la iha opozisaun

Desizaun

Depoisde avalia faktu sira hotu, tribunál julga akuzasaun husi prokuradór provadu hotu kedas ba krime abuzu seksuál menor husi artigu 177 KP nú 2 agravasaun no tentativa abuzu seksuál rua, iha julgamentu arguidu nega faktu hotu, maibé lezada kontinua konfirmafaktu hotu no reforsa husi testemuña. Bazeia ba faktu provadu sira ne'e tribunál tetu sirkuntánsia hotu-hotu haleu hela krime nune'e tribunál konklui kondena arguidu ba krime tentativa abuzu seksuál kada krime tinan rua ba abuzu seksuál menor tinan hitu, tribunál kondena arguidu pena unika tinan 11 fulan 6 efetiva.

14. Krime maus tratus konjuje

Nú Prosesu :0084/22.CVSUI

Kopozisaun Tribunál:Koletivu

Juis :Dr. Samuel da Costa Pacheco, Dr. Naason Mário Armindo Marques Doutel no Dra. Patricia de Araujo F. B. M. Xavier

Prokuradór :Dr. Rafael Jeronimo Gusmão

Defeza :Dr. Jonas Henrique da Costa

Desizaun : Pena prizaun tinan 2 suspende ba tinan 2

Iha 24 Jullu 2023, Tribunál Judisiál Primeira Instánsia Suai prezide leitura akordaun ba krime maus tratus konjuje ne'ebé envolve arguidu AA hasoru nia feen IA, iha Munisípiu Covalima.

Akuzasaun prokuradór

Prokuradór akuza katak iha 23 Novembru 2022, oras la apura, arguidu mutivu ne'ebé la klaru arguidu tuku dala tolu iha lezada nia rentos.

Akontese iha segundu iha 25 Novembru 2022, oras la apura, arguidu tuku dala tolu iha lezada nia kanuruk no tebe dala tolu lezada nia konosen, mutivu problema ne'e tanba lezada husu osan iha arguidu atu selu ema nia bibi ne'ebé deve.

Akontese datolu iha 18 Janeiru 2023, iha oras tuku 10:00, arguidu tebe dala ida iha lezada nia knosen, mutivu husi problema ne'e tanba arguidu ho lezada foti ema nia bibi halo lia no bibi nain mai husu osan iha lezada no lezada husu fali arguidu husi ne'e mosu dezentedimentu arguidu nerboju halo agreasaun refere hasoru lezada.

Prokuradór akuza arguidu kontra artigu 154 KP kona-ba maus tratus konjuje ho moldura penál tinan 2 too tinan 6.

Produsaun ba prova sira

Iha prosesu julgamentu arguidu konfesa faktu sira iha akuzasaun no deklara katak baku lezada tanba lezada amante ho mane seluk, maibé laos tanba osan.

Alende ne'e lezada kontinua konfirma faktu iha akuzasaun no deklara katak arguidu baku hela de'it ne'e mak separa tiha ho arguidu, lezada deklara tan katak depoisde separa arguidu ho nia oan siraba hela fali sira nia uma no lezada hanesan nain ba rai hela fali ho nia inan kiik iha Camanasa.

Testemuña CA depoimenta katak momentu arguidu ho lezada duni malu too iha testemuña nia uma no arguidu basa dala ida iha lezada nia hasan, arguidu baku ne'e tanba lezada amante ho mane seluk no lezada ho mane hola malu tiha ona, testemuña depoimenta tan katak kona-ba problema seluk testemuña la iha kunesimentu.

Alegasaun finál

Prokuradór konsidera arguidu provadu komete krime hasoru lezada ne'ebé arguidu konfesa no konfirma husi lezada, tanba ne'e husu ba tribunál atu kondena arguidu pena prizaun nia ezekuasaun ba suspensaun.

Ekuantu defeza husu ba tribunál atu tetu sirkuntásia hot-hotu no kondena arguidu pena ne'ebé justu no adekuadu.

Desizaun

Depoisde avalia faktu sira hotu, tribunál julga akuzasaun husi prokuradór nian ne'ebé tribunál atu halo julgamentu ne'e provadu hotu kedas, ne'ebé arguidu konfesa no konfirma husi lezada. Bazeia ba faktu provadu sira ne'e tribunál tetu mós sirkuntásia atenuante no agravante hot-hotu, nune'e tribunál konklui prosesu no kondena arguidu pena prizaun tinan rua suspende ba tinan rua.

15. Krime ofensa ba integridade fízika simples ho natureza violénsia doméstika

Nú.Prosesu : 0034/22.ANANV
KompozisaunTribunál : Singulár
Juis : Dr. Hugo da Cruz Pui
Prokuradór : Dr. Rafael Jeronimo Gusmão
Defeza : Dr. Domingos dos Santos
Desizaun : Pena multa U\$\$ 45.00.

Iha 24 Jullu 2023, Tribunál Judisiál Primeira Instánsia Suai prezide leitura sentensa ba krime ofensa ba integridade fízika simples ho natureza VD ne'ebé envolve arguidu AM hasoru nia feen FdC, iha Munisípiu Ainaro.

Akuzasaun Prokuradór

Prokuradór akuza katak iha 14 Agustu 2022, oras tuku 11:30 dadeer, arguidu lori ai kabelak baku dala rua iha lezada nia kotuk laran, baku dala rua iha liman parte loos no dala ida iha ain kabun parte loos rezulta moras no kanek.

. Antes agreasaun ne'e lezada ho kondisaun moras maibé sai husi uma sein kuñesementu ba arguidu nune'e arguidu buka lezada no hetan lezada hamrik besik rai naruk hodi nune'e halo arguidu nerboju no komete aktu hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a) 35 (b) no 36 LKVD.

Produsaun ba Prova sira

Iha julgamentu, arguidu konfesa integralmente ba faktu sira iha akuzasaun, arguidu deklarara foin mak mai hatan iha tribunál, arrepende ona nia hahalok no promete sei la repete tan iha futuru.

Tanba arguidu konfesa faktu sira iha akuzasaun hotu nune'e parte tribunál, prokuradór no defeza presinde lezada nia deklarasaun.

Alegasaun Finál

Prokuradór haktuir katak, arguidu provadu no prosidente tuir faktu ne'ebé iha no arguidu mós konfesa no konfirma husi lezada, prokuradór haree katak krime violénsia doméstika aas tebes no atu halo prevensaun ba krime refere, husu ba tribunál kondena arguidu tuir konviksaun tribunál nian.

Entretantu defeza husu ba tribunál atu kondena arguidu ho pena ne'ebé adekuaudu ho konsiderasaun katak arguidu konfesa, arrepende ona nia hahalok, di'ak malu ona ho lezada no promete sei la komete tan krime hanesan iha futuru.

Desizaun

Depoisde avalia faktu sira hotu, tribunál prova katak arguidu baku dala rua lezada nia kotuk laran, baku dala rua iha liman parte los nomós ain parte los dala ida rezulta kanek. Bazeia ba faktu provadu ne'e no tetu mós sirkuntánsia ne'ebé haleu krime, nune'e tribunál konklui prosesu no kondena arguidu ho pena multa U\$S 45.00, arguidu sei selu kada loron Centavus 0.50 durante loron 90, bainhira arguidu la selu multa refere arguidu sei kumpri prizaun alternativa durante loron 60.

16. Krime abuzu seksuál ba menór no violasaun seksuál ho agravaun

Nú. Prosesu : 0014/22.CVMCT

Kompozisaun Tribunál : Koletivu

Juis : Dr. Naason Mário Armindo Marques Doutel, Dr. Samuel da Costa Pacheco no Dr. Hugu Pui

Prokuradór : Dr. Rafael Jeronimo Gusmão

Defeza : Dr. Albano Maia

Desizaun : Absolve

Iha 26 Jullu 2023, Tribunál Judisiál Primeira Instásia Suai Prezide leitura akordaun ba krime abuzu seksuál ba menór, violasaun seksuál no agravaun ne'ebé envolve arguidu MG hasoru lezada MMMdCC (idada tinan 13), iha Munisípiu Covalima.

Akuzasaun prokuradór

Prokuradór akuza katak loron no fulan la lebra tiha ona, maibé iha 2019, tuku 18:00 kalan , arguidu nia feen bolu lezada ba toba iha sira nia uma, kalan lezada toba ho arguidu nia kaben iha kama ida. Iha kalan boot lezada sente ain sin no halo moras makas mak arguidu nia kaben bolu arguidu ba komu lezada nia ain, komu ain halo lezada toba dukur hafoin arguidu hodi liman tama ba kalsa laran hodi lamas lezada nia orgaun seksuál no kontinua hasai lezada nia roupa no arguidu mós hasai nia roupa no toba iha lezada leten no loke lezada nia kelen hatama nia orgaun ba iha lezada nia orgaun too ezakula iha orgaun laran. halo hotu tiha relasaun seksuál arguidu amiasa lezada dehan, *o hatete sai ba o nia familia hau oho tiha o*. Nune'e, halo, lezada sente tauk no la fó hatene ba família.

Hahu husi tinan 2019, 2020 no 2021 nia laran, arguidu kontinua halo abuzu seksuál ba lezada dala barak ona, lezada mak la hanoin ona, tanba arguidu halo abuzu seksuál dala barak los tebes ba lezada to'o lezada isin rua, maibé, familia la hatane.

Hafoin iha 19 juñu 2022, oras tuku 9:00 dadeer iha area Baulela, Ogués nian, lezada atu dehan ba arguidu, maibé, arguidu haruka lezada ba ailaran iha area refere, mak arguidu viola tan lezada, hafoin lezada dehan ba arguidu katak, lezada isin-rua tiha ona.

Ho hahalok arguidu nian ne'e, lezada lakon tiha ona nia virjinidadade, sente morás makas iha kabun kidun ho nia vajina to'o isin-rua, hetan sofre trauma no sente moe perante kolega ho família.

Prokuradór akuza arguidu kontra artigu 177 KP kona-ba abuzu seksuál ba menór ho moldura penál tinan 5 too 20 no artigu 172 KP kona-ba violasaun seksuál ho moldura penál tinan 5 too tinan 15 no artigu 173 KP agravaun.

Produsaun ba prova sira

Iha julgamentu arguidu nia deklarasaun deklarata katak, faktu balun loos no balun la loos, arguidu deklarata katak momentu ne'e lezada ba toba iha uma ne'e ho ferikoan no kalan boot lezada nia ain siin moras makas nune'e lezada haruka nia kaben no haruka arguidu atu komu nune'e nia kaben bolu arguidu no komu lezada nia kelen no lezada sente isin makilia no lezada haruka kaer tan ninia orgaun seksuál no haruka arguidu atu halo relasaun seksuál no halo duni relasaun seksuál, arguidu mós katak momentu halo relasaun seksuál ho lezada ne'e iha 21 Outobru 2020 laos 2019. Arguidu deklarata liu tan katak iha 2021 halo relasaun seksuál hamutuk dala sanulu resin no iha relasaun seksuál ne'e nunka amiasa ho katana, maibé hakarak ho hakara.

Iha julgamentu ne'e lezada no testemuña lahatene tetun nune'e tribunál nomea tradutor ida atu tradus lian materna bunak ba lian tetun no lian tetun ba bunak.

Iha julgamentu lezada nia deklarasaun deklarata katak, momentu ne'e arguidu nia kaben mak bolu atu toba iha iha sira nia uma no kalan boot sente ain moras nune'e lezada fanu arguidu nia kaben atu komu nia isin maibé arguidu nia kaben ba bolu arguidu komu fali lezada nia kelen no arguidu komu too lezada nia orgaun seksuál, arguidu kontinua hasai lezada nia ropa no halo relasaun seksuál ho lezada, lezada deklarata tan katak depoisde relasaun seksuál arguidu amiasa lezada dehan o hatete sai ba o nia familia hau sei oho mate o, lezada mós tauk no la fó hatene ba nia familia sira, lezada deklarata mós iha 2019 arguidu halo relasaun seksuál bebeik ho lezada bainhira lezada lakoi arguidu amiasa ho katana, nune'e lezada tauk no ba halo relasaun seksuál ho arguidu iha ailaran too lezada isin rua mak fó hatene ba nia familia katak bebe iha lezada nia isin ne'e arguidu nian, alende ne'e lezada ho nia aman hato'o keixa iha polisia.

Testemuña hanesan arguidu nia feen depoimenta katak, momentu ne'eba lezada maibé laos testemuña mak bolu lezada, maibé lezada dehan problema ho nia bin ne'e mai uma no kalan ne'e lezada toba ho testemuña no kalan boot lezada nia ain sin moras

makas, nune'e lezada haruka testemuña atu bolu arguidu iha kuartu sorin no mai atu komu, bainhira arguidu komu lezada ne'e testemuña toba dukur fali, no lezada ho arguidu toba hamutuk hanesan feen laen ne'e testemuña lahatene. Testemuña deklarata katak momentu lezada mai toba iha uma ne'e lahtene ona sa tinan.

Alegasaun finál

Prokuradór haktuir katak, iha julgamentu ne'e arguidu deklarata katan halo relasaun seksuál dala barak maibé dehan halo relasaun seksuál primeiru ne'e iha 2020, maibé rona fali lezada katak halo relasaun primeiru ne'e iha 2019 no lezada foin atinji idade tinan 13, prokuradór konsidera arguidu nia aktu ne'e priense elementu krime abuzu seksuál ba menór nia, nune'e husu ba tribunál atu kondena arguidu ho pena prizaun tinan 10, enkuantu ba krime violasaun seksuál husu ba tribunál atu deside tuir konfiksaun tribunál nian.

Enkuantu defeza haktuir katak, iha julgamentu ne'e arguidu hatene katak halo relasaun primeiru ne'e iha 21 Outobru 2021, ne'e lezada atinji ona tinan 14, no kalan halo relasaun seksuál ne'e lezada mak hakarak no arguidu mós halo duni relasaun seksuál, no tuir mai arguidu ho lezada hasoru malu halo relasaun seksuál, lezada dehan amiasa ho katana maibé lezada nunka informa ba nia avo no nia familia katak arguidu amiasa hela de'it no halo relasaun seksuál, defeza entende katak krime rua ne'ebé inputa ba arguidu ne'e la priense hotu elementu krime, nune'e husu ba tribunál atu absolve arguidu husi krime.

Desizaun

Depoisde avalia faktu sira hotu, tribunál rona hotu arguidu ho lezada nia deklarasaun perante iha julgamentu produsaun prova, arguidu deklarata katak halo duni relasaun seksuál ho lezada maibé iha 2020 laos 2019, arguidu mós deklarata katak halo relasaun seksuál ho lezada ne'e iha uma no iha ailaran dala barak tanba ho konsentimentum, tribunál rona mós lezada nia deklarasaun katak momentu ba toba iha arguidu nia uma ne'e iha 2019 no kalan boot lezada nia ain sin nune'e bolu arguidu komu nia ain no arguidu obriga lezada halo keda relasaun seksuál no depoisde ida ne'e arguidu nafatin amiasa lezada halo relasaun seksuál iha ailaran too lezada isin rua mak dehan ba familia sira katak bebe iha lezada nia isin arguidu nian, deklarasaun husi arguidu no lezada nian halo tribunál duvida, nune'e absolve arguidu husi krime.

17. Krime aktu seksuál ho adolexente

Nú.Prosesu : 0026/22.ANANV
KompozisaunTribunál : Singulár
Juis : Dr. Hugo da Cruz Pui
Prokuradór : Dr. Rafael Jeronimo Gusmão
Defeza : Dr. Domingos dos Santos

Desizaun : Absolve

Iha 26 Jullu 2023, Tribunál Judisiál Primeira Instánsia Suai prezide leitura akordaun ba krime Aktu seksuál ho adolexente ne'ebé envolve arguidu NRS hasoru lezada JXML, iha Munisípiu Ainaro.

Akuzasaun Prokuradór

Prokuradór akuza katak iha 13 Agostu 2019, iha oras tuku 14:00 meudia iha kafe laran, lokaliza iha Aldeia Sabago, Postu Administrativu Ainaro, tempu ne'ebá lezada ho arguidu manda menssajem ba liu husi facebook no kombina malu hodi hasoru malu.

Kuandu ba kafe laran, arguidu hateten ba lezada katak *“hau atu hola, lezada hatan katak hau tauk hau nia tiu sira,, arguidu hateten nafatin di'ak hela sa hau pruntu reponsabilidade ba hau nia oan.*

Hafoin arguidu hasai kedas lezada nia roupa no, arguidu mós hasai nia kalsa hodi halo ninia orgaun seksuál hamrik no hatama ba iha lezada nia orgaun seksuál hatama hasai too ejakula iha liur. Lezada nia orgaun seksuál sente moras no ran sai husi orgaun seksuál

Prokuradór akuza arguidu kontra artigu 178 KP kona-ba aktu seksuál adolexente ho moldura penál too tinan 5.

Produsaun ba Prova sira

Iha prosesu julgamentu, arguidu konfesa faktu iha akuzasaun no deklara katak ho lezada iha relasaun namorada, no momentu atu halo relasaun seksuál ne'e manda mensagen liu husi facebook no lezada mós konkorda hasoru malu iha kafe laran no halo relasaun seksuál, arguidu mós deklara katak antes atu halo relasaun seksuál, lezada rasik hasai nia roupa, arguidu deklara tan katak bainhira esperman atu sai fakar iha liur. arguidu deklara katak foin mak mai hatan iha tribunál.

Alende ne'e, lezada kontinua konfirma faktu hotu iha akuzasaun no deklara katak momentu ne'e arguidu manda menssagen dehan atu hasoru malu nune'e lezada konkorda ba hasoru arguidu iha kafe laran, bainhira too ne'ebá arguidu dehan ba lezada katak atu halo relasaun seksuál lai, maibé lezada lakohi, arguidu tenta bosok dehan atu hola malu ho lezada nune'e lezada konkorda no halo relasaun seksuál ho arguidu.

Alegasaun finál

Prokuradór iha nia alegasaun haktuir katak, arguidu komete krime hasoru lezada ne'ebé arguidu konfesa, no konfirma husi lezada, arguidu hatene katak lezada foin idade tinan 14 maibé arguidu abuzu nia inesperensia seksuál ka lezada seidak dezenvolve nia responsabilidade seksuál nian maibé arguidu ho maneira bosok lezada dehan atu hola, prokuradór konsedera arguidu nia aktu ne'e priense elementus krime, nune'e husu ba tribunál atu aplika pena ba arguidu.

Enkuantu defeza iha nia alegasaun haktuir katak, arguidu konfesa faktu no depoisde akontese no foin mak mai hatan iha tribunál, tanba ne'e husu ba tribunál atu aplika pena suspensaun ba iha arguidu.

Desizaun

Depoisde avalia faktu hotu, tribunál konsidera faktu ne'ebé dun ba arguidu ne'e la provadu, tanba arguidu ho lezada antes atu hasoru malu ne'e lezada mós konkorda no hakarak halo relasaun seksuál ho arguidu. Tanba ne'e tribunál konsidera la iha provas ne'ebé sufisiente, nune'e tribunál konklui absolve arguidu husi krime.

18. Krime koasaun seksuál

Nú.Prosesu : 0011/22.MFALS
KompozisaunTribunál : Koletivu
Juis :Dra. Patricia de Araujo F. B. M. Xavier, Dr. Mário ArmindoMarques Doutel no Dr. Samuel da Costa Pacheco
Prokuradór : Dr. Rafael Jeronimo Gusmão
Defeza : Dr. Jonas Henrique da Costa
Desizaun : Pena prizaun tinan 3 suspende ba tinan 5 selu indeminizasaun sivil US\$ 100.00

Iha 28 Juñu 2023, Tribunál Judisiál Primeira Instánsia Suai prezide leitura akordaun ba krime koasaun seksuál ne'ebé envolve arguidu TdRM hasoru lezada MFM, iha Munisípiu Manufahe.

Akuzasaun prokuradór

Prokuradór akuza katak iha 14 Dezembru 2022, iha oras tuku 14:00 madrugada, lezada toba dukur hela ho nia alin Lucia Fatima Martins iha nia inan aman nia kuartu, arguidu loke odamatan boot depois sae husi uma leten tama ba lezada iha kuartu laran kolu lezada nia kalsa too ain tur, kalsa laran lahasai maibé arguidu nia liman kona lezada nia kelen sente malirin no halo lezada hakfodak, arguidu subar iha kama okos no arguidu sai husi kama okos halo lezada tauk no hakilar husu ajuda ba nia inan aman no arguidu loke odamatan halai sai husi kuartu laran, lezada nia inan mai no lezada dehan ba nia inan katak arguidu TdRM mai kolu hau nia kalsa.
Prokuradór akuza arguidu kontra artigu 171 KP kona-ba koasaun seksuál ho moldura penál tinan 2 too tinan 8.

Produsaun ba prova sira

Iha prosesu julgamentu, arguidu nega faktu iha akuzasaun, arguidu deklara katak momentu iha ne'eba beoan moras nune'e hader hela hein nia beoan moras no momentu lezada hakilar ne'e arguidu rona duni iha nia uma laran, arguidu deklara katak faktu iha akuzasaun dehan kolu lezada nia kalsa ne'e lalos.
hasai kalsa ho kolu ne'e inventa de'it iha tempu ne'eba arguidu nia oan moras, lezada ho nia prima sira mak hakilar malu iha uma ne'eba.
Alende ne'e, lezada kontinua konfirma faktu iha akzasaun no deklara katak sente moe no tauk bainhira haree arguidu.lezada deklara katak momentu ne'eba ahi lakan no bainhira arguidu sai husi kama okos ne'e kuinese mós arguidu, lezada deklara liu tan katak momentu arguidu la kolu kalsa laran no ka laker orgaun vajina.

Alegasaun finál

Prokuradór haktuir katak, iha julgamentu ne'e arguidu nega faktu iha akuzasaun, maibé rona lezada nia deklarasaun konfirma faktu iha akuzasaun, prokuraadór entende katak ba fetu nia sira nia kelen ne'e orgaun sensitivu no momentu ne'eba lezada foin idade tinan 14, tanba ne'e husu ba tribunál atu kondena arguidu tuir artigu 171 KP nian.

Enkuantu defeza haktuir katak konforme arguidu nia deklarasaun katak momentu ne'eba arguidu nia beoan moras nune'e hader hein hela sira nia beoan, no momentu lezada hakilar mós arguidu rona tanba uma vijinu, defeza entende katak kalan lezada hakilar ne'e tanba buat aat mak hanehan ka mehi tanba ita timor buat sira ne'e akontese bebeik, tanba ne'e husu ba tribunál tetu didiak no atu kondena arguidu ho justu no adekuadu.

Desizaun

Depoisde avalia faktu hotu, tribunál prova katak arguidu tama lezada nia uma no kaer lezada nia orgaun sensitivu. bazeia ba faktu provadu ne'e no tetu mós sirkuntansia atenuante hotu-hotu ne'ebé haleu krime nune'e tribunál konklui prosesu no kondena arguidu ho pena prizaun tinan tolu suspende ba tinan lima no kondena arguidu selu indemnizasaun sivil US\$ 100.00

19. Krime ofensa integridade fízika simples, krime ida Danu simples.

Nú. Prosesu : 0074/22.CVSUI
Kompozisaun Tribunál : Singular
Juis : Dr. Samuel da Costa Paicheco
Prokuradór : Dr. Rafael Jeronimo Gusmão
Defeza : Dr. Angelmo Pinto
Konkluzau : Omologa pedido dezisténsia keixa.

Iha 30 Juñu 2023, Tribunál Judicial Primeira Instansia Suai prezide tentativa konsiliaun ba krime ofensa integridade fízika simples krime danu simples ne'ebé envolve arguidu Januario Moniz hasoru lezadu Saturnino Amaral, iha Munisípiu Covalima.

Akuzasaun Prokuradór

Prokuradór akuza katak iha 14 Outubru, 2022, oras tuku 19:00 kalan, momentu ne'ebá lezadu atu ba nia uma, kuandu too iha fatin refere, arguidu hapara lezadu imediata tuku dala tolu iha lezadu nia kabun, tebe dala barak iha lezadu ninia kotuk laran mak testamuña Sertorio José Mendonça mai hodi hapara arguidu, lezadu kontinua sae nia motorizada atu ba uma.

Maibé arguidu sei duni tuir hodi toman lezadu iha kruzamentu Leogore, arguidu foti lezadu nia kapasete hodi baku iha lezadu nia ulun dala barak too lezadu nia kapasete rahun sosa ho osan U\$S 23.00

Prokuradór akuza arguidu kontra artigu 145 KP ofensa ba integridade fízika simples ho moldura penál tinan 3 ka multa no artigu 258 KP kona-ba danu simples ho moldura penál tinan 3 ka multa.

Produsaun ba prova sira

Bazeia ba artigu 262 (1) KPP kona-ba tentativa ba konsiliaisaun, nune'e antes tama ba julgamentuprodusaun ba prova sira, juis husu atu halo tentativa konsiliaisaun ba lezadu ho arguidu..

Iha prosesu konsiliaisaun ne'e, arguidu ho lezadu hakarak dame malu sein kondisaun tanba iha momentu ne'eba di'ak malu no mós promete sei la repete tan hahalok hanesan iha futuru.

Alegasaun

Prokuradór no defeza apresia akordu dame husi parte rua decide ona no husu ba tribunál atu omologa prosesu ne'e.

Dezisaun

Bazeia ba akordu dame husi parte rua no pedidu dezisténsia husi lezadu. Nune'e tuir artigu 262 nú 2 KPP, tribunál konklui prosesu ne'e no omologa akordu pedidu dezisténsia keiza ne'e sein kondisaun tanba lezadu perdua ona arguidu no hakarak dame malu ho arguidu.

Atu hetan informasaun liutan favór kontaktu:

Ana Paula Marçal

Diretora Ezekutiva JSMP

Telefone: 3323883/77040735

Diresaun e-mail: ana@jsmp.tl

info@jsmp.tl

Website: <http://jsmp.tl>

